

ptica, vnd fahr vom selben grad gleichständig der zwerchlini  
auff den grad der breite von der Ecliptic des Mondes / dahin  
leg den faden / vnd rück daruff die Berlin / schaw alßdann  
durch die Löchlin zu dem Mond / vnd merct die Stund / so  
das Berlin anzeigt (vnder den gemeinen Stunden vor- oder  
Nachmittag)

Darnach fehr zu dir den rücken des Quadrantens / vnd  
leg den Stundzeiger auch auff dieselbe stund vor- oder nach-  
mittag / wie der Monschein durch die Berlin anzeigt hat / vñ  
rück vnder den Stundenziger den grad, darin der Mond ist  
zur selben zeit : darnach leg den zeiger (doch die Scheiben vn-  
verrückt) auff den Tag des Monats / auff welchen du die  
Stund zuwissen begerst / so wirstu alßbald die rechte Stund  
haben / es sey bey Tag oder bey Nacht.

Wie nun durch den Monschein die Stund gesucht wor-  
den / so soltu auch mit den andern Planeten thun / h. 4. §. vn-  
nötig / mehr Wort hie von zumachen.

### Das 17. Capitel.

Wie man den grossen Beern / oder die  
zwen helle Stern des Heerwagens / die zwen hin-  
dere Räder genaßt / erkennen / vnd den Polus oder  
Meerstern des Nachts am Himmel  
erlernen mög.

**W**iltu bey Nacht so das gestirn zuschen / den  
Heerwagen erkennen / welcher von den Astronomis  
der groß Beer genannt / so nim für dich ein Stund nach der  
schlag-

